



DOMOWINA

Džěłowe směrnicy Domowiny - Zwjazka Łužiskich Serbow z. t. za dobu 2019-2021

wobzamknjene na 19. hłownej zhromadźiznje Domowiny dnja 30.03.2019 w Chrósćicach

Předśłowo džěłowych směrnicy

Džěłowe směrnicy Domowiny konkretizuja powšitkowe zaměry programa "Domowina 2025" za dwulětnu dobu hač do přichodneje hłowneje zhromadźizny w lěće 2021, kaž tež za dlěšodobne předewzaća w cyłkowej programatiskej dobjě hač do lěta 2025. Po schwalenju na 19. hłownej zhromadźiznje Domowiny tworja woni zakład za džěławosć wolenych gremijow třěšneho zwjazka kaž tež za Domowinje přisłušace župy a sobustawske towarstwa. Staw zwoprawdženja w džěłowych směrnicach zapisanych nadawkow ma so na hłownej zhromadźiznje analyzować. Na to zložuju, maja so džěłowe směrnicy aktualizować.

Zwoprawdženje tutej směrnicy koordinuje zwjazkowe předsydstwo z pomocu swojeho prezidija a swojich džěłowych wuběrkow. Župy a sobustawske towarstwa so do wudžěłanja směrnicy a do přesadženja nadawkow integruja.

Ze schwalenjom nowych džěłowych směrnicy na 19. hłownej zhromadźiznje Domowiny dnja 30.03.2019 w Chrósćicach narunaja so wšitke dotalne wuwjedženja džěłowych směrnicy.

Wobluki skutkowanja so po slědowacym wašnju džěła:

x. *wobluk skutkowanja*

x.1. *krótkodobne nadawki, kotrež měli so hač do přichodneje hłowneje zhromadźizny w lěće 2019 džělnje abo dospołnje wotdžělać*

x.2. *dlěšodobne nadawki, kotrež měli so stajnje abo přez dlěšu dobu realizować. Zdobom móža tole tež běžne nadawki być, kotrež njehodža so jako časowje wobmjezowane wobhladować*

x.x.x. *konkretny nadawk we wotpowědnym wobłuku*



Wobłuki skutkowanja Domowiny a z toho wurośće nadawki

1. Domowinske župy a sobustawske towarstwa/zwjazki

Nadawki, kotrež počahuja so hłownje na nutřkotowarstwowe poměry, mjezsobny wobchad a džěło z člonstwom třěšneho zwjazka.

1.1. Krótkodobne nadawki

- 1.1.1. Předsyda kaž tež člonojó prezidija a zwjazkowego předsydstwa Domowiny haja prawidlowne a wobstajne styki k župam, člonskim towarstwam/zwjazkam Domowiny, k Domowinskim skupinam.
- 1.1.2. Župy, sobustawske towarstwa a zwjazki prócuja so w přihotach na 20. hłownu (wólbnu) zhromadźiznu Domowiny w měrcu 2021 zdobyć angažowanych a zwólniwych člonow za sobudžěło w zwjazkowym předsydstwje kaž tež w rewizijnym a změrcowskim wuběrku Domowiny za wólbnu dobu 2021-2025. Po wólbach podpěruja wutworjenje džělowych wuběrkow zwjazkowego předsydstwa a namjetuja fachowcow za sobudžěło.
- 1.1.3. Za lěto 2021 wuwola so składnostnje 100. róčnicy založenja župow "Lěto župow". Nimo župnych zarjadowanjow k jich stawiznam přewjedže so centralne zarjadowanje k róčnicy we Wojerecach na założenskej žurli Domowiny.
- 1.1.4. Składnostnje 20. hłowneje (wólbneje) zhromadźizny Domowiny, kotraž měła so dnja 27.03.2021 na teritoriju Župy "Jakub Lorenc-Zalěski" z.t. přewjesć, organizuje třěšny zwjazk zetkanje ze zastupjerjemi asociěrowanych towarstw Domowiny pod heslom "Słowjanstwo nas zwjazuje".
- 1.1.5. W předpolu 20. wólbneje hłowneje zhromadźizny ma so wustawkowa diskusija přewjesć. Zaměry a struktury Domowiny, rjadowanje člonstwa, juristiske zastupowanje třěšneho zwjazka a dalše prašenja maja so w organach Domowiny a ze župami kaž tež ze sobustawskimi towarstwami/zwjazkami diskutować, zo by nastał nacisk za nowelěrowanje wustawkow Domowiny.

1.2. Dlěšodobne nadawki

- 1.2.1. Župy, sobustawske towarstwa a zwjazki wabja nowych člonow do swoich rjadow a podpěruja nastaće nowych skupinow a towarstw. Wažne je při tym, zo poradži so wšitke generacije do zhromadneho džěła zapřijeć.



- 1.2.2. Domowina spěchuje mjezsobne zeznaće, wuměnu nazhonjenjow a zhromadne projekty swojich župow, sobustawskich towarstwow a zwjazkow.
- 1.2.3. Domowina podpěruje tež prócowanja serbskich cyłkow zwonka Łužicy při pěstowanju serbskeje rěče a kultury.
- 1.2.4. Domowina wudźeržuje přez džěło z asociěrowanymi towarstwami zwiski a kulturnu wuměnu z přećelemi kaž tež potomnikami Serbow w Čěskej, Pólskej, Awstralskej, Americe a we Wendlandže.

2. Domowina – zastupjerka wšěch generacijow Serbow

Nadawki, kotrež su wusměrjene na polěpšenje a spěchowanje generacije přesahowaceho skutkowanja.

2.1. Krótkodobne nadawki

- 2.1.1. Domowina prócuje so wo trajne zaručenje kruteju městnow młodžinskeju koordinátorow w Delnjeje a Hornjeje Łužicy.
Potrzeba ma so w zwisku z wočakowanjami na nowe financne dojednanje wot lěta 2021 sem wobkrućić a wopodstatnić.
- 2.1.2. Domowina podpěruje młodžinske projekty k narodno politiskemu kubljanju.
K podpěrje akterow prócuje so Domowina wo zdźerženje městna młodžinskeje kubłanskeje referentki.

2.2. Dłěšodobne nadawki

- 2.2.1. Domowina podpěruje zetkanja młodostnych Delnjeje, srjedźneje a Hornjeje Łužicy w zmysle zhromadneho pěstowanja serbskeje rěče.
- 2.2.2. Rěčny centrum WITAJ přewjedže zhromadnje ze župu “Michał Hórnik” swójbne schadźowanki a podpěra dalše župy při wuhotowanju swójbnych zarjadowanjow.
- 2.2.3. Na zakładže zrěčenja z wokrjesom Budyšin wukonja Rěčny centrum WITAJ w nadawku Domowiny aktiwity na polu socialneho młodžinskeho džěła.
- 2.2.4. We Slepjanskej wosadže podpěruje župa “Jakub Lorenc-Zalěski” młodžinske socialne džěło we šulach a skruća z nim rěčne kubljanje a narodnu identitu mlodeje generacije.
- 2.2.5. Domowina polěpši kontakt k staršej generaciji z wosebitymi zarjadowanjemi. Prócuje so wo to, zo serbscy rentnarjo podpěruja



čestnohamtske džěło z džěćimi a młodostnymi w serbskim duchu.

3. Serbska rěč

Nadawki, kotrychž zwoprawdženje přinošuje k škitej, nałożowanju, zachowanju a rewitalizaciji serbskeje rěče¹.

3.1. Krótkodobne nadawki

- 3.1.1. Z pomocu Rěčneho centruma WITAJ zdžěla so analiza wotchadnikow Witaj-pěstowarnjow a –skupinow w Delnjeje Łužicy. Na tutym zakładze ma so strategiski koncept k docpěću wšěch Witaj-džěći za dalše serbskorěčne kubłanje zdžělać.
- 3.1.2. Nastupajo wabjenje za dwurěčne kubłanje w zažnym džěćatstwje a w šulskim kubłanju zdžěla Rěčny centrum WITAJ w kooperaciji z SMK a MBJS a naslědnymi kubłanskimi instancami na zakładze najnowšich wědomostnych dopóznacow dalši argumentaciski material za rozdžělnje skupiny staršich, kubłarjow, wučerjow a młodostnych.
- 3.1.3. Domowina so za to zasadza, zo so na wšitkich šulach ze serbskim profilom we Łužicy serbska rěč sylnišo zadomi.
- 3.1.4. Domowina přewjedže z pomocu Rěčneho centruma WITAJ w aprylu 2019 klawsuru k wuslědkam ewaluacije Witaj-wučby w Braniborskej. Klawsurje maja so dalše zjawne zarjadowanja přizamknyc, kotrež zapřijmu serbske gremije, pedagogowki a pedagogow runje tak kaž statnu runinu.

3.2. Dležodobne nadawki

- 3.2.1. Domowina podpěruje zwoprawdženje a dalepisanje Braniborskeho krajneho plana za zmócnjenje delnjoserbskeje rěče a druheho plana naprawow Sakskeho statneho knježerstwa k pozbudžowanju a k wožiwjenju wužiwanja serbskeje rěče.
Domowina analyzuje staw swójskich naprawow k škitej, nałożowanju, wuchowanju a rewitalizacije serbskeje rěče w konteksće naprawow Braniborskeje a Sakskeje.
- 3.2.2. Domowina prócuje so wo šěrše wužiwanje spisowneju rěčow delnjo- a hornjoserbsčiny w serbskich institucijach, zarjadach zjawneje słužby a podpěruje aktiwity k wožiwjenju wobeju serbsčiny.
- 3.2.3. Domowina wabi za wutworjenje Witaj-skupinow a Witaj-pěstowarnjow.

¹ Z wurazom serbska rěč je měnjeny kanon rěčow, wobstejacy z hornjoserbskeje, delnjoserbskeje spisowneje rěče, jich regionalnych formow kaž tež slepjanščiny.



- 3.2.4. Domowina wuwiwa hromadže z druhimi serbskimi institucijemi zakładny rěčny plan za rewitalizaciju serbskich rěčow. W tutym planje maja so tež rěčne cile definować.
- 3.2.5. Rěčny centrum WITAJ wudžěła certifikaciju hornjo- a delnjoserbskich rěčných kmanosćow po Zhromadnym europskim referencnym ramiku za rěče, zo by so modernej praksy nawuknjenja rěčow wotpowědowało a zo by so přinošowało zvýšenju statusa serbskeje rěče.
- 3.2.6. Domowina podpěruje nowe a digitalne wuwučowanske formy, wuwijanje digitalnych wučnicow a medialne rěčne kursy. Při tym ma so koncepcionelnje tež wučba za jednotliwcow wobkedźbować. Rěčny centrum WITAJ realizuje aktiwity k nawuknjenju serbskeje rěče z pomocu nowych digitalnych medijow.
- 3.2.7. Domowina podpěruje akciju rěčneje rewitalizacije w Delnjej Łužicy "jo!zatebje".
- 3.2.8. Domowina podpěruje dalše profilowanje Rěčneho centruma WITAJ jako srjedźišćo rěč spěchowacych poslužbow a slědzenjow na dobro znajomosćow serbskeje rěče za wšitkich zajimcow.
- 3.2.9. Domowina prócuje so wo rozšěrjenje poskitka zwonkašulskich serbskorěčných rumow za dźěći a młodostnych.
- 3.2.10. Domowina nastorči ewaluaciju wučby hornjoserbšćiny.
- 3.2.11. Domowina prócuje so wo to, na zwjazkowej runinje změnić zakoń, zo by móžne było, tež serbske žónske mjena wužiwać.
- 3.2.12. Domowina prócuje so na zwjazkowej runinje zhromadnje z druhimi mjeńšinami wo přizwolenje dwurěčnosće při awtodróhach.

4. Kubłanje w narodnym duchu a dorost

Nadawki, kotrež měrja so na kubłanje w narodnym duchu, štož słuži skrućenju identity jednotliwca. Wone wobsahuja wšitke pola kubłanja – wot pěstowarskeje hač do wysokeje staroby. Zdobom dže wo posředkowanje serbskeje rěče a wědy wo serbskich stawiznach, štož měło tež k skrućenju narodneho ducha přinošować.

4.1. Krótkodobne nadawki

- 4.1.1. Domowina zasadźuje so za zwjazowace prawniske postajenje ke kubłanskemu konceptej 2plus w Sakskej a za běžny monitoringowy proces ke konceptej w šulskej praksy. Domowina žada sej hromadže ze Serbskej radu a Serbskim šulskim towarstwom nowelěrowanje wuwjedźenskeho postajenja šulskeho zakonja.



- 4.1.2. Domowina podpěruje w Braniborskej přesadźenje a předžěłanje serbskeho šulskeho postajenja. Witaj-wučba ma być regularna forma bilingwalneje učby.
Wuslědki ewaluacije Witaj-wučby maja so tak wuhódnočić, zo z toho nastanje hromadže z učerjemi, staršimi a nošerjemi šulow polěpšenje rěčnych znajomosćow šulerjow a njedostatki so w systemje wotstronja.
- 4.1.3. Domowina prócuje so wo zwoprawdźenje serbskospecifiskich wobsahow nowelěrowaneho Sakskeho šulskeho zakonja.
- 4.1.4. Předsyda Domowiny poda so we wothłosowanju ze Serbskej radu do rozmołwy z kultusowym ministrom Sakskeje ze zaměrom, zo by so zwjazk serbskich šulow wutworił.
Zdobom podpěra Domowina staršiske towarstwa, kotrež měli so při šulach tutoho zwjazka wutworić.

4.2. Dłěšodobne nadawki

- 4.2.1. Domowina džiwa na a stara so sobu w Braniborskej kaž tež w Sakskej wo zdobyće, wukubłanje a zasadźenje učerskeho a kubłarskeho dorosta w bilingwalnej učbje a džěła w tutym nastupanju z wotpowědnymi zarjadami hromadže.
- 4.2.2. Domowina prócuje so wo to, zo so we wšitkich naležnosćach serbskeho šulstwa w Sakskej a Braniborskej sobupostajowanske prawa zakonsce zaručeja a přez kontrolne gremije přewodžeja.
Wona wjedže jako zastupjerka zajimow Serbow stajny dialog ze wšěmi zamołwitymi w kubłanskich naležnosćach.
- 4.2.3. Domowina koordinuje z pomocu kubłanskeho wuběrka a Rěčnemu centrumej WITAJ poradźowace sobudžěło zastupjerjow Domowiny w šulskich konferencach Braniborskeje a Sakskeje.
- 4.2.4. Domowina zasadźuje so za zdźerženje serbskich kubłanišćow a wuwice jich specifiskeho profila serbskosće. Zdobom angažujemy so za dalše rozšěrjenje rěčneho kubłanja.

5. Kultura a wuměłstwo

Nadawki, kotrež su wusměrjene na spěchowanje a wuwijanje serbskeho kulturneho džěła, wuměłstwa, sporta a turizma.

5.1. Krótkodobne nadawki

- 5.1.1. Domowina so za to zasadźuje, zo so zarjadniska podpěra za kulturne aktiwity a projekty regionalnych a nadregionalnych towarstwow, kaž tež



na bazy rjadyje a zesylnja. W tym zwisku ma so potrjeba hromadže z člonskimi towarstwami lětnje zwěsćić.

- 5.1.2. Domowina šěri wědu wo serbskich nałožkach a jich přewjedženje podpěruje. Zdobom wuwědomja zjawnosći jich status jako imaterielne kulturne namrěwstwo Němskeje.
 - 5.1.3. Domowina iniciěruje a podpěruje džěło “Fachoweje komisije za serbske narodno-kulturne namrěwstwo”. Zaměr komisije je, zdžělać a namjetować wotpowědne nošne struktury. Domowina je aktiwny partner wobsahoweje debaty a so zhromadnje z partnerami za zdobyće materielnych zakładow zasadža.
 - 5.1.4. Domowina rjadyje we wothłosowanju ze serbskimi sportowymi zjednoćenstwami a ze Župu Dolna Łužyca z.t. wobdžělenje muskeje a žónskeje wubranki na sportowych zarjadowanjach kaž n. př. na EUROPEADže 2020 a při tym džiwa na runowahu Delnjeje a Hornjeje Łužicy a hornjoserbskeje a delnjoserbskeje rěče.
 - 5.1.5. Domowina wabi za wobdžělenje z krótkofilmami, kotrež tematizuja serbsku rěč a temy wokoło Serbow a serbskeje domizny, na Choćebuskim filmowym přehledže we wobłuku wuchodoeuropskeho filmoweho festiwala.
- 5.2. Dłěšodobne nadawki
- 5.2.1. Domowina podpěruje zhromadne džěło a wothłosowanje z partnerami za digitalizowanje serbskeho filmoweho kulturneho herbstwa runje tak kaž filmow ze serbskej tematiku a projekty za produkowanje nowych serbskich filmowych formatow.
 - 5.2.2. Domowina wjedže zhromadnje ze fachowymi kruhami, statnymi instancami a politiskimi zastupnistwami dialog wo wudžeržowanju a dalšim profilowanju serbskich institucijow do přichoda.
 - 5.2.3. Domowina spěchuje zachowanje a pěstowanje wšitkich serbskich nałožkow, wotpowědnje lisćinje za škit imaterielneho kulturneho namrěwstwa Němskeje. Wona pruwuje kriterije a wuměnjenja, kotrež su trěbne za zapisanje do UNESCO-lisćiny.
 - 5.2.4. Domowina podpěruje dalše kulturne wjerški, kaž folklorne, dźiwadłowe, chórowe, sportowe, młodžinske a druhe festiwale abo zlěty po cyłej Łužicy. Wona přewodža akterow a organizatorow při zaručenju wuskeje kooperacije mjez towarstwami a serbskimi institucijemi při přihotach a přewjedženju předewzaćow.
 - 5.2.5. Z kulturnymi wuměnami a wuprawami wudžeržuje Domowina do wukraja



kulturne styki. Z tym přisporja kulturnu identifikaciju a swětawotewrjenosć Serbow.

- 5.2.6. Wjesne muzeje swědča wo žiwych serbskich stawiznach na wsach. Wone su džěl najwšelakorišeho serbskeho kulturneho herbstwa a tohodla njeměli wone wostać jeničce w komunalnej resp. Domowinskej zamołwitosći, ale měli so po koncepcje jednotneho nawodnistwa a zhromadneho wužiwanja do přichoda wjesć a zawěsćić.
- 5.2.7. Domowina podpěruje lahodny turizm, z kotrymž zmóžnja hosćom serbsku kulturu we Łužicy awtentisce zeznać. Zdobom je zwólniwa, při wutworjenju nowych poskitkow poradźować.
- 5.2.8. Domowina podpěruje a spěchuje serbske sportowe hibanje jako přiwabne polo narodneho džěla. Domowina prócuje so zhromadnje ze Serbskim Sokołom a ze Župu Dolna Łužyca z.t. wo koncept k spěchowanjmu serbskich sportowych wubrankow.

6. Hospodarstwo

Nadawki, kotrychž zeskutkownjenje k tomu přinošuje, zo by so dwu- a wjacerěčnosć wuwědomiła hospodarstwu a regionalnemu wuwicu jako wjacehódnota a praktisce jewiła.

6.1. Krótkodobne nadawki

- 6.1.1. Domowina prócuje so wo wutworjenje zjawneho myta za předewzaćelow, kotřiž ze zjawnym wužiwanjom serbskeje řeče, ze zapřijećom serbskosće do firmoweje ideje kaž tež do wuhotowanja abo z posředkowanjom wědy wo Serbach dwurěčnosć a serbsku kulturu prezentuja a wuwiwaja.
- 6.1.2. Domowina zaběra so dale z wočakowanjami Serbow za čas strukturneho wuwica we Łužicy. Za to wudžěła sej pućnik do přichoda Łužicy. Přewjedže hromadze z Džěłarničku přichoda Łužicy naslědnu konferencu k strukturnemu wuwicu we Łužicy ze serbskeho wida.

6.2. Dlěšodobne nadawki

- 6.2.1. Domowina prócuje so ze sobudžěłom we wotpowědnych gremijach wo wobkedźbowanje serbskeho aspekta při nowym spěchowanskim programje LEADER za wšelake regiony Łužicy (Hornjołužiske haty a hola, Łužiska jězorina, Błota, Sprjewja-Nysa).
- 6.2.2. Domowina zasadźuje so za přesadźenje serbskich zajimow při dalšim wuwicu Łužiskeje jězoriny a turizma.
- 6.2.3. Rěčny centrum WITAJ zasadźuje so zhromadnje z partnerami za



nadžělanje serbskeje terminologije za hospodarstwo we Łužicy. Zdobom wabi serbskich předewzaćelow a překupcow k wužiwanju tež serbskich pomjenowanjow.

- 6.2.4. Zwjazk za serbski kulturny turizm prócuje so, eksistowace kolesowarske šćežki a temowe poskitki pod labelom "Serbske impresije" mjez Hornjej (Sakska) a Delnjeje Łužicu (Braniborska) wutwarić a zwjazac.

7. Politiska participacija

Naprawy, z kotrymiž ma Domowina jako zakonsce připóznata rěčnica prawa a zajimy Serbow zastupować.

7.1. Krótkodobne nadawki

- 7.1.1. Wotpowědujo rozsudej 16. hłowneje zhromadźizny k skrućenju Domowiny w dotalnej prawniskej formje, ma Zwjazkowe předsydstwo narodno-politiske skutkowanje třěšneho zwjazka skrućić. Domowina ma być skutkowne, wšě generacije zapřijace zhromadženstwo Serbow. Hač do 20. hłowneje (wólbneje) zhromadźizny Domowiny analyzuje so zastupnistwo Domowiny w druhich towarstwach, gremijach a funkcijach. Wšitcy zastupjerjo Domowiny maja wo swojim skutkowanju pisomnu rozprawu zapodać. Prezidij přepoda na tutym zakładže zwjazkowemu předsydstwu analyzu z konkluzijemi.
- 7.1.2. Domowina prócuje so wo dobre zhromadne dźěło z Radu za nastupnosći Serbow pši Bramborskem krajnem sejmje a z Radu za serbske naležnosće Swobodneho stata Sakska kaž tež ze Załožbowej radu. Prawidłowne wothłosowanja k bytosnym prašenjam dalšeho wuwića serbskeho ludu maja so dale wjesć.
- 7.1.3. Domowina prócuje so w ramiku nowelěrowanja statneho zrěčenja za sćelaki MDR wo zapisanje serbskeho zastupjerja/serbsku zastupjerku w medijowej radže MDR.
- 7.1.4. Domowina prócuje so w projektowym dźěle wo wuspěšne nawabjenje třećich srědkow.
- 7.1.5. Domowina wupraji swoje wočakowanja na kandidatow za wólby krajneju sejmow w Braniborskej a w Sakskej dnja 01.09.2019 a wužada sej wotmołwy kandidatow.
- 7.1.6. Domowina podpěruje listowe wólby do Serbskeje rady Braniborskeje a nominuje štyrjoch kandidatow za wólby Serbskeje rady Sakskeje na dobu 2019-2024.
- 7.1.7. Domowina podpěruje wobdžělenje serbskich wolerskich zjednoćenstwow



na komunalnych wólbach dnja 26.05.2019 a wupraji swoje wočakowanja na skutkowanje komunalnych parlamentow w doby 2019-2024. Dale podpěruje třěšny zwjazk wutworjenje komunalnych gremijow za serbske naležnosće a namjetuje wěcywustojnych serbskich wobydlerjow za sobudžěto.

- 7.1.8. Domowina zdžěla koncept za rjadowanje kubłansko-politiskich nadawkow třěšneho zwjazka.
- 7.1.9. Domowina ma w parlamentach zwjazkarjow we wšěch frakcijach demokratiskich stronow a haji z jednotliwymi zapóslančemi a zapóslancami wobstajny zwisk, zo bychu na prawa, zajimy a začuwanje Serbow dźiwali a je w diskusijach zastupowali.
- 7.1.10. Domowina prócuje so dale we wothłosowanju ze Założbu za serbski lud a ze Serbskimaj radomaj wo wobkedźbowanje přichodnych potrebow serbskeho ludu w naslědnym financnym dojednanju Zwjazka z krajomaj Braniborska a Sakska wot lěta 2021 sem. Wobkedźbuje při tym wosebje tež regionalne aspekty dalšeho spěchowanja serbskeho ludu.

7.2. Dlěšodobne nadawki

- 7.2.1. Zwjazkowe předsydstwo Domowiny pruwuje w Sakskej potrebu nowelěrowanja Serbskeho zakonja kaž tež dalšich prawnskich postajenjow a twori wo tym zhromadnje ze Serbskej radu doporučenje.
- 7.2.2. Domowina zasadźuje so za přewjedženje zhromadneje konferency ze zastupjerjemi komunow dwurěčneho sydlenkeho ruma a k prawnskimi prašenjam serbskeho ludu a jich zwoprawdženju.
- 7.2.3. Domowina wjedže prawidlowne wothłosowanje z poradźowacymi gremijemi na polu serbskich naležnosćow poboku wokrjesow a městow w Braniborskej a Sakskej. Wosebite wužadanje je při tym nałožowanje serbskeje řeče w zarjadach zjawneje služby.
- 7.2.4. Ze zhromadnym dźěлом w poradźowacymaj wuběrkomaj zwjazkoweho ministerstwa nutřkowneho a nutřkowneho wuběrka zwjazkoweho sejma Němskeje, z člonstwom w mjeńšinowej radže štyrjoch awtochtonych narodnych mjeńšin Němskeje, prócuje so Domowina wo polěpšenje politiskich wobstejnosćow a wobkedźbowanje zajimow serbskeho luda.
- 7.2.5. Domowina podpěruje prócowanja, integrować škit narodnych mjeńšinow do zakładneho zakonja Němskeje.

8. Počah k našim susodam we Łužicy a zwonka njeje

Nadawki, kotrychž zaměr je přinošować k rozšěrjenju wědy wo Serbach a k polěpšenju mjezsobneho wobchadženja.



8.1. Krátkodobne nadawki

- 8.1.1. Domowina přewjedže hromadže ze Serbskimaj radomaj a ze Založbowej radu dwulětnje parlamentariskaj wječoraj k serbskim naležnosćam w Braniborskim a Sakskim krajnym sejmje.
- 8.1.2. Domowina wobdžěli so na natwarje wustajeńcy wo awtochtonych narodnych mjeńšinach w Němskej, kotraž nastanje na namjet Mjeńšinoweje rady Němskeje.

8.2. Dlěšodobne nadawki

- 8.2.1. Domowina prócuje so přez sobudžěło w fachowych gremijach a přewenciskich přiradach wo wuwěće a zachowanje demokratiskich hódnotow w Braniborskej a Sakskej.
- 8.2.2. Domowina podpěruje wšitke přewentiwne naprawy w zwisku ze škitom Serbow před antiserbskimi nadpadami. Wona steji woporam tajkich nadpadow pomocliwje poboku.
- 8.2.3. Domowina wupraja so jasnje za podpěru požadarjow azyla a podpěruje ze sobudžěłom wotpowědne gremije, institucije a jednotliwcy.

9. Mjezynarodne počahi

Nadawki, z kotrychž pomocu chce Domowina wuznam a bohatosć hajenja swójskeje kultury a řeče šěrić.

9.1. Krátkodobne nadawki

- 9.1.1. Domowina přewjedže wot 04. do 07. julija 2019 XIII. mjezynarodny folklorny festiwal Łužica w Budyšinje, w Hochozy a w Chrósćicach. Program festiwala wěnuje so škitkej imaterielneho kulturneho namrěwstwa.
- 9.1.2. Domowina podpěruje Serbske kulturne lěto w Liberecu 2019/20.

9.2. Dlěšodobne nadawki

- 9.2.1. Domowina zaruča z aktiwnym sobudžěłom w organizacijomaj FUEN a MENS serbske zajimy na europskej runinje.
- 9.2.2. Domowina wobdžěli so na projekće “mjeńšinowy kompetenčny centrum” organizacije FUEN. Rěčny centrum WITAJ, Serbski institut a předwidžany “Centrum narodnych mjeńšin” župy “Jakub Lorenc-Zalěski” maja so do zhromadneje syće FUEN sobu zarjadować.



- 9.2.3. Z členstvom w organizaciji CIOFF wudźeržuje Domowina kontakty k dalšim kulturnym čělesam.
- 9.2.4. Domowina wudźeržuje a skrući swoje politiske, kulturne a hospodarske styki do susodnych krajow.

10. Skutkowanje w zjawnosći

Nadawki, kotrychž zaměr je, přinošować k transparency nastupajo rozsudy Domowiny a zwjazać skutkowanje wšelakich politiskich a kulturnych akterow do zhromadneho skutkowanja na dobro serbskeho ludu.

10.1. Krótkodobne nadawki

- 10.1.1. Domowina wabi zaměrnje za džěło třěšneho zwjazka. Za to wužiwa člonsku nowinu Naša Domowina, informaciske brošury, lětaki a wabjenske artikle kaž tež posředkowanje zdžělenkow wo swoim skutkowanju regionalnym a nadregionalnym medijam. Při tym wužiwa w přiběracej měrje móžnosće digitalneje komunikacije.
- 10.1.2. W informaciskim łopjenu “Naša Domowina” a na web-stronje Domowiny zarjaduje so prawidłownje argumentaciski “Přilěpk” jako doporučenje k jednanju.
- 10.1.3. Domowina nawjazuje w kubłanišćach kaž na př. Choćebuskej Techniskej uniwersiće BTU přečelske zwiski k wučencam a nawodam a informuje jich wo serbskim ludze a wo swojotnosćach dwurěčneho teritorija.
- 10.1.4. Serbske wječory, na kotrychž Domowina zhromadnje ze Serbskimaj radomaj a Załožbowej radu ze zajimcami z ludu palace prašenja serbskeho žiwjenja diskutuje a swójske předewzaća předstaja, so w regionach z pomocu regionalnych řečnikow Domowiny prawidłownje dale wjedu.

10.2. Dlěšodobne nadawki

- 10.2.1. Domowina stara so wo šěrjenje wědy wo swojej narodnopolitiskej džělawosći, předewšěm mjez młodostnymi.
- 10.2.2. Domowina prócuje so přez wothłosowanje z akterami serbskeje politiki jednotne politiske wustupowanje Serbow docpěć a tak džěło z dalšimi politiskimi gremijemi efektiwnje na dobro serbskeho ludu wuwic. Wšitke župy, sobustawske towarstwa a organy Domowiny su wužadani, so na zakładze wobzamknjenjow hłownych zhromadźiznow, wustawkow a programa swoje zhromadne wotpohlady a pozicije w serbskich naležnosćach napřećo komunam, knježerstwam a politice krajow



jednotnje zastupować.

- 10.2.3. Domowina je kóždy čas ze wšěmi ludźimi a skupinami, kotřiž chcedža so na dobro Serbow angažować, k rozmołwje zwólniwa.
- 10.2.4. Domowina wukonja wliw na wotpowědnych runinach a z wotpowědnymi partnerami, zo by so serbska tematika do šulskich kubłanskich planow Sakskeje a Braniborskeje zapřijała.
- 10.2.5. Domowina podpěra aktiwnje požadanje města Žitawa wo Europsku kulturnu stolicu 2025. Z tym by Domowina była wobdžělena na přewjedženju a wuhotowanju swjatka.

11. Serbske institucije

Nadawki k polěpšenju zhromadneje dźěławosće serbskich institucijow a serbskich towarstwow nastupajo zarjadniskeje a fachoweje podpěry za projekty k skrućenju rěčneje identity a hajenja serbskeje kultury.

11.1. Krótkodobne nadawki

- 11.1.1. Domowina wothłosuje so prawidłownje z nawodami serbskich institucijow.
- 11.1.2. Domowina zasadźuje so za nowowusměrjenje dźěławosće serbskich institucijow w zmysle rěčneho planowanja. Pod koordinaciju Domowiny měła so w přichodze systematika rěčneho planowanja mjez wšitkimi serbskimi institucijemi wothłosować a měli so priority postajić.

11.2. Dlešodobne nadawki

- 11.2.1. Domowina zasadźuje so za to, zo so hajenje sorabistiskeje wědomosće a slědženja wo rěči, stawiznach a kulturje Serbow dale přez Zwjazk, Saksku a Braniborsku spěchuja. Zdobom angažuje so Domowina na politiskej runinje zaměrnje za solidne wuhotowanje a fachowe profilowanje Instituta za sorabistiku Lipsk w zmysle wukubłanja sorabistiskeho dorosta.

12. Škit serbskeho sydlenkeho ruma

Nadawki, z kotrymiž chce Domowina sydlenkeho rum a z tym zwjazane prawa skrućić a přesadzić.

12.1. Krótkodobne nadawki

- 12.1.1. Domowina podpěra župu Delnja Łužica a Radu za naležnosće Serbow Braniborskeho krajneho sejma w dźěle z nowymi komunami serbskeho



sydlenskeho ruma Delnjeje Łužicy.

- 12.1.2. Domowina prócuje so wo skrućenje zhromadneho džěła ze zastupjerjemi komunalnych cyłkow cyłego serbskeho sydlenskeho teritorija wosebje tež z widom na wobkedźbowanje serbskeho aspekta při dalšim komunalnym wuwicu. Při tym spyta postupowanje z nimi wothłosować.

12.2. Dłěšodobne nadawki

- 12.2.1. Domowina podpěruje potrjehene župy při politiskim dialogu nastupajo zachowanje serbskeje rěče a kultury pod wuskotkom negatiwnych scěhow wudobywanja surowiznow w serbskim sydlenskim rumje.
- 12.2.2. Domowina podpěruje župu “Jakub Lorenc-Zalěski” při zwoprawdženju planowanych naprawow w koncepciji k pozbudženju a wožiwjenju serbskeje rěče a kultury w Slepjanskej wosadze “wosom wsow – jedna wosada”.

13. Serbske nabožno-narodne žiwjenje

Domowina ma pěstowanje nabožno-narodnych tradicijow a nałožkow za wažne při wutworjenju, skrućenju a wuwijanju narodneho wědomja. Nadawki, kotrež podpěruja čłonske kaž tež zwonkačłonske cyłki.

13.1. Krótkodobne nadawki

- 13.1.1. Domowina podpěruje nabožno-narodne projekty a předewzaća serbskich katolskich a ewangelskich projektowych nošerjow.
- 13.1.2. Domowina prócuje so wo kontakt k cyrkwinskim gremijam a zamołwitym za serbske cyrkwinske džěło.

13.2. Dłěšodobne nadawki

- 13.2.1. Ze zhromadnym džěłom ze Serbskim ewangelskim towarstwom a Spěchowanskim towarstwom za serbsku rěc w cerkwi wobkedźbuje Domowina zajimy towarstwow při svojich politiskich rozsudach. Po tutym přikładze prócuje so tež wo zhromadne džěło z dalšimi cyłkami.
- 13.2.2. Domowina wudźeržuje stajny dialog z krajnymi cyrkwjemi a podpěruje z tym wěriwych Serbow při zdźerženju rěčnych rumow w katolskich a ewangelskich wosadach.

Wšitke wočakowanja bazuja na mjeńšinoprawnskimi zakładze, kiž wotblyšćuje so w plaćiwych dojednanjach na europskej runinje, kaž tež w zakonjach na zwjazkowej kaž tež na krajnej runinje.